

შპს „სახელმწიფო კვებითი უზრუნველყოფა“



გამარტივებული ელექტრონული ტენდერის
დოკუმენტაცია

საწმენდი და საპრიალებელი პროდუქციის
სახელმწიფო შესყიდვა

CPV – 39800000

2017 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და ძირითადი პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: ლაშა ბაჩალიაშვილი
ტელ: 2200-122 (703); 577 955 987; lbachaliashvili@scs.gov.ge;. მისამართი: ქ. თბილისი, პეკინის N 41.

2. შესყიდვის ობიექტის დასახელება, ტექნიკური სპეციფიკაცია, განზომილება, სავარაუდო რაოდენობა, ტენდერის ღირებულება

№	საქონლის დასახელება	ტექნიკური სპეციფიკაცია	განზ.	რაოდენობა სატენდერო	ტენდერის სავარაუდო ღირებულება (ლარი)
1	მათეთრებელი სითხე	ნატრიუმის ჰიპოქლორიდის (ჰიდროქლორიდი) (NaOCl) ფუძეზე. კერამიკული (მეტლაბი, კაფელი, ნიჟარები, უნიტაზი) ზედაპირების სარეცხი, მათეთრებელი და მადეზინფიცირებელი თვისებებით. 1 ლიტრიანი დაფასოებით.	ცალი	8,000	40 800
2	ცხიმის მოსაცილებელი სითხე	ე.წ. "შუმანიტის" მსგავსი, სამზარეულო ინვენტარზე და დანადგარებზე მიმწვარი ცხიმების მოსაშორებელი საშუალება. ალკალიური ნივთიერების შემცველობით, შესასხურებელი მექანიზმით, არანაკლებ 0.75 ლტ. დაფასოებით	ცალი	2,000	
3	მიღების საწმენდი სითხე,	საკანალიზაციო გაყვანილობებში (მიღები, სხვადასხვა შემავრთებლები, წყალშემკრებები) არსებული დაბიძურებების და ცხიმოვანი საცობების ეფექტური საწმენდი საშუალება, კალსტიკური სოდის (NaOH) შემცველობა არანაკლებ 15% . 1 ლიტრამდე დაფასოებით.	ცალი	5,500	
4	შუშის საწმენდი სითხე	შესაშურებელი მექანიზმით, კვალის დატოვების გარეშე. არანაკლებ 0.75 ლიტრი დაფასოებით	ცალი	400	
5	სახეხი ფხვნილი	კერამიკული და ლითონური ზედაპირების საწმენდი ფხვნილი, მადეზინფიცირებელი ეფექტით, კალცინირებული სოდისა და ქლორიანი მათეთრებლის შემცველობით	კბ	1,400	

შენიშვნა: აღნიშნულ ტენდერში მონაწილეობა იმავდროულად ნიშნავს, რომ პრეტენდენტი თანახმაა სატენდერო დოკუმენტაციის საქონლის ტექნიკური სპეციფიკაციის მოთხოვნების სრულად დაცვით განახორციელოს საქონლის მოწოდება. საქონლის ტექნიკური სპეციფიკაცია, თითოეული საქონლის მიხედვით, უცვლელად აისახება ტენდერში გამარჯვებულ პრეტენდენტთან გაფორმებულ ხელშეკრულებაში.

3. შესყიდვის ობიექტის მიწოდების პირობები:

3.1 მიწოდების ვადა: ხელშეკრულების გაფორმებიდან ეტაპობრივად **2017 წლის 15 ივლისის ჩათვლით** შემსყიდველის მოთხოვნის შესაბამისად თვეში არაუმეტეს 1 - 2 ჯერ, შეკვეთიდან 2 (ორი) სამუშაო დღეში. პირველი მიწოდება უნდა განხორციელდეს ხელშეკრულების გაფორმებიდან არაუმეტეს 3 (სამი) სამუშაო დღეში (ასეთი მოთხოვნის არსებობის შემთხვევაში).

3.2 საქონლის მიწოდება უნდა განხორციელდეს დღის განმავლობაში არაუგვიანეს 18.00 სთ-ის.

3.3 სავარაუდო მიწოდების ადგილი: შპს "სახელმწიფო კვებითი უზრუნველყოფის" საწყობები ქ. თბილისი, ქ. ქუთაისი.

3.4 აღნიშნულ ტენდერში მონაწილეობა იმავდროულად ნიშნავს, რომ პრეტენდენტი თანახმაა სატენდერო დოკუმენტაციის მე-3 მუხლის მოთხოვნების სრულად დაცვით განახორციელოს საქონლის მიწოდება.

3.5 სატენდერო დოკუმენტაციის მე-3 მუხლში მითითებული საქონლის მიწოდების პირობები უცვლელად აისახება ტენდერში გამარჯვებულ პრეტენდენტთან გაფორმებულ ხელშეკრულებაში.

3.6 იმ შემთხვევაში თუ პრეტენდენტი თავის სატენდერო წინადადებაში მიუთითებს სატენდერო დოკუმენტაციის მე-3 მუხლისაგან განსხვავებულ, შემსყიდველისათვის უკეთეს საქონლის მიწოდების პირობას, ტენდერში გამარჯვებულ პრეტენდენტთან გაფორმებულ ხელშეკრულებაში აისახება შემოთავაზებული პირობა.

3.7 ხელშეკრულებაში მხარეთა შეთანხმებით შესაძლებელია შეიცვალოს საქონლის მიწოდების პირობები, თუ ასეთი ცვლილება არ აუარესებს შემსყიდველის მდგომარეობას.

4 სატენდერო წინადადების ფასი.

4.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, მათ შორის ტრანსპორტირების ხარჯი.

4.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

5. ანგარიშსწორების პირობები.

5.1 ანგარიშსწორება მოხდება შემდეგი წესით: ყოველი თვის 15 (თხუთმეტი) და 30 (ოცდაათი) რიცხვებში "მყიდველი", "გამყიდველს" გადაუხდის წინა (ბუღალტრული ურთიერთშეძარბებიდან შემდგომ ურთიერთშეძარბებამდე ან/და შესაბამისი მიღენა ჩაბარების აქტის გაფორმებიდან) პერიოდში მიწოდებული საქონლის ღირებულებას სრულად, აღნიშნულ თარიღებამდე 5 (ხუთი) დღით ადრე მხარეთა შორის ურთიერთშეძარბების აქტის გაფორმების შემთხვევაში და მოცემულ აქტში მითითებული დავალიანების შესაბამისად.

5.2 თუ მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.

5.3 ანგარიშსწორების ფორმა - უნაღდო.

5.4 წინასწარი ანგარიშსწორება (ავანსი) არ განიხილება.

6. პრეტენდენტის მიერ ერთიან ელექტრონულ სისტემაში ასატვირთი მონაცემები:

6.1 კომპანიის რეკვიზიტები (დანართი N1);

6.2 ფასების ცხრილი (დანართი N2);

6.3 საბანკო დაწესებულების მიერ გაცემული, უფლებამოსილი პირის მიერ ხელმოწერით დამოწმებული, ცნობა ფულადი ბრუნვის შესახებ მომსახურე ბანკიდან, მაქსიმუმ ვადით: 2016 წლის 01 იანვრიდან ტენდერში წინადადების მიღების დამთავრების თარიღამდე, არანაკლებ ტენდერში შესყიდვის სავარაუდო ღირებულების ოდენობით.

7. ფასწარმოქმნის ადეკვატურობის მოთხოვნა.

7.1 აღნიშნულ ტენდერში მონაწილეობა ფასწარმოქმნის ადეკვატურობის დასაბუთება, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებას. ფასწარმოქმნის ადეკვატურობა, შესაძლებელია დასაბუთდეს ანალოგიური ან მსგავსი შესყიდვის ობიექტის მიწოდებასთან დაკავშირებით პრეტენდენტის მიერ **გაფორმებული ხელშეკრულებით, ან ანგარიშსწორებით, ან ინვოისით (მათ შორის უცხოური მწარმოებლის ინვოისი გაცემული პრეტენდენტის სახელზე, რომელიც უნდა იყოს ნათარგმნი და ნოტარიულად დამოწმებული), ან საბანკო დეკლარაციით**, რომლებიც ადასტურებენ პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

7.2 ფასწარმოქმნის ადეკვატურობის დასაბუთების ფარგლებში წარმოდგენილი დოკუმენტაცია დაზუსტებას არ ექვემდებარება.

7.3 ფასწარმოქმნის ადეკვატურობის დასაბუთების ფარგლებში წარმოსადგენი დოკუმენტების სისტემაში ასატვირთად სატენდერო კომისია პრეტენდენტს განუსაზღვრავს არაუმეტეს 5 (ხუთი) სამუშაო დღეს.

8. დამატებითი ინფორმაცია:

8.1 საუკეთესო ფასის მქონე პრეტენდენტს განესაზღვრება ვადა არაუმეტეს 7 (შვიდი) სამუშაო დღე, ტენდერით შესასყიდი საქონლის ნიმუშ(ებ)ის წარმოსადგენად ფასითა ცხრილის თითოეული პოზიციის მიხედვით, შპს „სახელმწიფო კვებითი უზრუნველყოფის“ ოფისში თბილისის მასშტაბით. კონკრეტული მისამართი პრეტენდენტს ეცნობება შესაბამისი წერილით. ნიმუშ(ებ)ის წარმოდგენა ან ხარვეზით წარმოდგენა გამოიწვევს პრეტენდენტის დისკვალიფიკაციას სატენდერო პროცედურებიდან.

8.2 ტენდერში გამარჯვებულ პრეტენდენტთან, ხელშეკრულების გაფორმების შემდეგ, მყიდველის მოთხოვნის შემთხვევაში, პერიოდულად განხორციელდება საქონლის ნიმუშის აღება და აკრედიტირებულ ლაბორატორიაში შემოწმება. სინჯების აღებას დაესწრებიან ხელშეკრულების მხარეები. ლაბორატორიულ შემოწმებასთან დაკავშირებულ ხარჯებს ანაზღაურებს "გამყიდველი". ლაბორატორიული შემოწმების ოქმებში მითითებული მაჩვენებლებით უნდა დგინდებოდეს ხელშეკრულების ტექნიკური სპეციფიკაციით მოთხოვნილი მაჩვენებლები. პროდუქცია უნდა აკმაყოფილებდეს საქართველოში მოქმედი შესაბამისი სტანდარტებით განსაზღვრულ ხარისხის და უსაფრთხოების მაჩვენებლებს. ლაბორატორიული კვლევის ჩატარების შესახებ გამყიდველს ეცნობება წინასწარ წერილობით.

8.3 "გამყიდველს" ხელშეკრულების გაფორმების შემდეგ შესაძლებელია მოეთხოვოს საქონლის შესაბამისობის სერტიფიკატ(ებ)ი (სტანდარტებისა და ნორმების მითითებით), რომელიც გაცემული უნდა იყოს საქართველოში აკრედიტირებული სერტიფიკაციის ორგანოს/ტესტირების ლაბორატორიის მიერ, რომელიც წარმოდგენილი უნდა იქნას შემყიდველის მოთხოვნიდან არაუმეტეს 5 (ხუთი) კალენდარულ დღეში.

8.4 შემყიდველს არ ეკისრება საქონლის სრულად შესყიდვის ვალდებულება.

8.5 პრეტენდენტის მიერ ელ. ტენდერში მონაწილეობის მიღება (წინადადების წარმოდგენა) ნიშნავს, რომ იგი სრულად ეთანხმება შემყიდველის ელ. ტენდერის დოკუმენტაციით გათვალისწინებულ მოთხოვნებს.

8.6 ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები "მყიდველი"-სათვის.

აღნიშნული ტენდერისათვის და ტენდერის შედეგად გაფორმებული ხელშეკრულებისათვის საქართველოს სამოქალაქო კოდექსის 398-ე მუხლით გათვალისწინებული გარემოებები გამორიცხავს ხელშეკრულების პირობების მისადაგებას ეროვნული ვალუტის გაუფასურების / ვალუტის კურსის მნიშვნელოვნად ზრდის გამო, ასეთ დროს ეროვნული ვალუტის კურსის გაუფასურებით გამოწვეული რისკი ეკისრება დაზარალებულ მხარეს, შესაბამისად აღნიშნული მიზეზით ხელშეკრულების პირობების შეცვლის და ახალ გარემოებებთან მისადაგების მოთხოვნა დაუშვებელია მხარეთათვის.

8.7 ფასების ცხრილში ერთეულის ფასი გამოსახული უნდა იყოს არაუმეტეს მათასედიის სიზუსტით. იმ შემთხვევაში თუ ფასების ცხრილში დაფიქსირებულია მძიმის შემდეგ 3 (სამ) სიმბოლოზე მეტი, ერთეულის ფასად ჩაითვლება მხოლოდ მძიმის შემდეგ სამი სიმბოლო.

8.8 ტენდერის შედეგად გაფორმებული ხელშეკრულების შედეგად მოწოდებული საქონლის ზედნადებში სავალდებულოა მითითებულ იქნას საქონლის დასახელება იმგვარად, რომ ზუსტად ემთხვეოდეს ხელშეკრულებაში არსებულ საქონლის დასახელებას, ასევე ზედნადებში უნდა იქნას მითითებული ხელშეკრულების ნომერი. ამ წესის დარღვევის შემთხვევაში შესაძლებელია მოხდეს შემყიდველის მხრიდან ანგარიშსწორების ვადების (ყოველი თვის 15 და 30 რიცხვები) გადაწევა და თანხა გადაირიცხოს მომდევნო გადაირიცხვის თარიღში. აღნიშნული რეგულაცია გადავა ტენდერის შედეგად გაფორმებულ ხელშეკრულებაში.

პრეტენდენტის რეკვიზიტები

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული/ფაქტიური მისამართი:
4. საიდენტიფიკაციო ნომერი:
5. პრეტენდენტის ტელეფონის ნომერი: ტელ: მობ:
6. ელექტრონული მისამართი (ელ. ფოსტა, ვებ. გვერდი):
7. საბანკო რეკვიზიტები:

- ბანკის დასახელება:
- ბანკის კოდი:
- ანგარიშსწორების ანგარიში:

პრეტენდენტის ხელმოწერა, ბეჭედი

N	საქონლის დასახელება	მწარმოებელი ქვეყანა/ ბრენდი ან მოდელი	განზ.	რაოდენობა	ერთ. ფასი	ჯამი	შესყიდვის ღირებულება
1							

პრეტენდენტის ხელმოწერა, ბეჭედი

ხელშეკრულება № _____

[ელექტრონული ტენდერი SPA00000000]

CPV [00000000]

ქ. თბილისი

2017 წლის -----

ხელშეკრულების მხარეები

შპს "სახელმწიფო კვებითი უზრუნველყოფა" წარმოდგენილი მისი დირექტორის **ალექსი ზანდარაშვილის** სახით, (შემდგომში მოხსენიებული, როგორც "მყიდველი"), ერთი მხრივ და შპს "-----" წარმოდგენილი მისი დირექტორის ----- სახით (შემდგომში მოხსენიებული, როგორც "გამყიდველი") მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. მხარეთა ძირითადი შეთანხმების შესახებ (ხელშეკრულების საგანი)

- 1.1. წინამდებარე ხელშეკრულების შესაბამისად „გამყიდველი“ ვალდებულია „მყიდველს“ პერიოდულად მიაწოდოს დანართი #1-ში აღნიშნული (იქნება შესაბამის საქონელი) (შემდგომში - საქონელი) „მყიდველისათვის“ საჭირო რაოდენობითა და ან ხელშეკრულებით განსაზღვრული წესით, ხოლო „მყიდველი“ ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. „გამყიდველი“ ვალდებულია „მყიდველს“ მიაწოდოს საქონელი ამ ხელშეკრულების დანართი #1-ში აღნიშნულ მისამართ(ებ)ზე განთავსებულ ობიექტ(ებ)ზე, მიღებული შეკვეთებიდან გამომდინარე. ობიექტების ცვლილებების შემთხვევაში (გაზრდა ან შემცირება) „გამყიდველს“ ეცნობება სულ მცირე 5 (ხუთი) სამუშაო დღით ადრე.
- 1.3. საქონლის ფასი მითითებულია დანართ #1-ში და მოიცავს დანიშნულების ადგილამდე (ობიექტებამდე) ტრანსპორტირების ხარჯებსა და საქართველოს კანონმდებლობით დადგენილ ყველა გადასახადს.
- 1.4. **ხელშეკრულების ღირებულება შეადგენს [00000 (-----)] ლარს.**

მუხლი 2. საქონლის შესაბამისობის შესახებ

- 2.1. „გამყიდველი“-ს მიერ „მყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა და „გამყიდველის“ მიერ ელექტრონული ტენდერი **SPA00000000** შემოთავაზებულ პირობებს.
- 2.2. „გამყიდველმა“ „მყიდველს“ უნდა გადასცეს საქონლის ხარისხის დამადასტურებელი დოკუმენტაცია მოთხოვნიდან არაუგვიანეს 5 (ხუთი) კალენდარულ დღეში.

მუხლი 3. მხარეთა უფლებამოსილებებისა და მოვალეობების შესახებ

- 3.1. წინამდებარე ხელშეკრულებით, „გამყიდველი“ ვალდებულია საქონელი „მყიდველს“ მიაწოდოს ხელშეკრულებით განსაზღვრული წესით, „მყიდველისათვის“ საჭირო რაოდენობით, ხოლო „მყიდველი“ ვალდებულია მიიღოს წინასწარ შეკვეთილი საქონელი და მოახდინოს „გამყიდველთან“ ანგარიშსწორება ხელშეკრულებით გათვალისწინებული პირობებით.
- 3.2. „გამყიდველი“ ვალდებულია მიაწოდოს საქართველოში არსებული მოთხოვნების შესაბამისად მარკირებული საქონელი.
- 3.3. „გამყიდველი“ ვალდებულია დადგენილ ვადაში წარმოადგინოს მწარმოებლის მიერ გაცემული საბუთი (ხარისხის სერტიფიკატის, ლიცენზიის ასლები და სხვა შესაბამისობის დოკუმენტი), აუცილებლობის შემთხვევაში კი დაურთოს ისინი საქონელს.
- 3.4. „გამყიდველი“ ვალდებულია ხელშეკრულების გაფორმებიდან 5 (ხუთი) სამუშაო დღეში წარმოადგინოს დადგენილი წესით გაცემული ბიზნეს ოპერატორად რეგისტრაციის დამადასტურებელი დოკუმენტი.
- 3.5. „მყიდველი“ ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.
- 3.6. „მყიდველი“ ვალდებულია „გამყიდველს“ აუზნადაუროს მიწოდებული საქონლის ღირებულება ამ ხელშეკრულების მე-7 მუხლის შესაბამისად.
- 3.7. „მყიდველი“ ვალდებულია ამ ხელშეკრულებით დადგენილი წესით „გამყიდველს“ აცნობოს ობიექტების რაოდენობის გაზრდის ან შემცირების შესახებ.
- 3.8. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სტრუქტურა და სხვა) გამჟღავნების დაუშვებლობას მესამე პირებისათვის.

მუხლი 4. საქონლის მახასიათებლების შესახებ (ასორტიმენტი, რაოდენობა და ხარისხი)

- 4.1. „გამყიდველი“ „მყიდველისათვის“ საქონლის მიწოდებას უზრუნველყოფს მყიდველისათვის საჭირო ოდენობით. საქონლის მწარმოებლის, ბრენდის ან/და მარკის ცვლილების შემთხვევაში „გამყიდველი“ ვალდებულია წინასწარ საქონლის მიწოდებამდე „მყიდველს“ აცნობოს აღნიშნული ცვლილების თაობაზე წერილობით ან/და ელ. ფოსტის მეშვეობით.
- 4.2. „გამყიდველი“ ვალდებულია მიწოდების დოკუმენტებში (ზედნაწილები) მითითის მიწოდებული საქონლის დასახელება და ფასები.
- 4.3. „გამყიდველის“ მიერ საქონლის ფაქტობრივი მიწოდებისას ვარგისიანობის დარღვევით ვადა დარღვეულირდეს დანართი N1-ის მიხედვით.
- 4.4. ხელშეკრულებამ დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „მყიდველი“-სათვის.
- 4.5. მიწოდებული საქონლის დასახელება და რაოდენობა უნდა შეესაბამებოდეს ამ ასორტიმენტს, რომელიც ნაჩვენებია მიწოდების დოკუმენტებში.
- 4.6. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „გამყიდველის“ მიერ შემოთავაზებულ პირობებს.
- 4.7. „გამყიდველი“ იძლევა გარანტიას, რომ, საქონლის „მყიდველი“-სათვის გადაცემის მომენტში, არის საქონლის კანონიერი მფლობელი და ასევე, რომ საქონელი არ არის დაგირავებული, დაყადაღებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.
- 4.8. „გამყიდველი“ იძლევა გარანტიას, რომ საქონელი შესაბამეხა უსაფრთხოების, სანიტარული ნორმების, შეფუთვის, მარკირების და ეტიკეტების მოთხოვნებს, დადგენილ საქართველოს კანონმდებლობით და ასევე, რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი.
- 4.9. დაუშვებელია მოსაწოდებელი პროდუქციის შეფუთვა მორად ან/და განსხვავებული ბრენდის მქონე ტარაში.

მუხლი 5. მიწოდებისა და დოკუმენტების შესახებ

- 5.1. „გამყიდველი“ ვალდებულია ყოველი შეკვეთა შესასრულოს შეკვეთის მიღებიდან არაუმეტეს 2 (ორი) სამუშაო დღის განმავლობაში.
- 5.2. იმ შემთხვევაში თუ „მყიდველი“ „გამყიდველს“ განუსაზღვრავს 5.1 მუხლისგან განსხვავებულ (2 დღეზე მეტი) შეკვეთის შესრულების ვადას, „გამყიდველი“ ვალდებულია შესასრულოს შეკვეთა აღნიშნულ ვადაში.
- 5.3. გადაუდებელი აუცილებლობიდან გამომდინარე მხარეები აცხადებენ თანხმობას, რომ 5.1. პუნქტში მოცემული მიწოდების ვადები შესაძლებელია შემცირდეს.
- 5.4. „გამყიდველი“ აცხადებს თანხმობას, რომ „მყიდველმა“, შეიძლება არ შეიძინოს „გამყიდველის“ მიერ შეთავაზებული საქონლის სრული რაოდენობა/დასახელება რაც მითითებულია ხელშეკრულების დანართ N1-ში.
- 5.5. საქონლის მიწოდება უნდა განხორციელდეს დღის განმავლობაში არაუგვიანეს 18.30 სთ-ისა. 18.30 სთ-ის შემდეგ „მყიდველი“ უფლებამოსილია უარი თქვას საქონლის მიღებაზე.
- 5.6. „მყიდველი“ უფლებამოსილია „გამყიდველის“ მიერ შეკვეთის შესრულებამდე მოახდინოს შეკვეთის კორექტირება (მისაწოდებელი საქონლის ოდენობის, ასორტიმენტის დამატება ან გამოკლება, ასევე შეკვეთის გაუქმება). შეკვეთის კორექტირების შემთხვევაშიც მიწოდება უნდა განხორციელდეს ხელშეკრულების 5.1. პუნქტის შესაბამისად.
- 5.7. ყოველი მიწოდებისას სასაქონლო ზედნაწილები (შემდგომში ზედნაწილები) ან/და ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 5.8. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „მყიდველი“ ატყობინებს აღნიშნულის შესახებ „გამყიდველს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.9. საქონლის ფაქტობრივი მიწოდება უნდა განხორციელდეს სასაქონლო ზედნაწილების გაფორმების დღეს.
- 5.10. საქონლის ტრანსპორტირებისათვის განკუთვნილი სატრანსპორტო საშუალებები უნდა იმყოფებოდნენ ტექნიკურად გამართულ, სუფთა მდგომარეობაში, უნდა პასუხობდნენ ჰიგიენურ ნორმებს და იყვნენ ვარგისიან განსაზღვრული კატეგორიის საქონლის ტრანსპორტირებისთვის.

- 5.11. „მყიდველი“-ს წარმომადგენელი ვალდებულია უზრუნველყოს საქონლის გადმოტვირთვა ამისათვის სპეციალურად განსაზღვრულ ადგილას და დროს.
- 5.12. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა „გამყიდველის“ მიერ შეკვეთის მიღების დადასტურების საშუალებას.

მუხლი 6. საქონლის მიღება-ჩაბარების შესახებ

- 6.1. „მყიდველი“-ს წარმომადგენელი „გამყიდველი“-ს წარმომადგენლის თანდასწრებით უზრუნველყოფს საქონლის დათვალიერებას და გადმოტვირთვას „მყიდველი“-ს საწყოში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, შვის სინათლისაგან დაცვა) წარმოადგენს „მყიდველის“ ვალდებულებებს და უნდა შესაბამისობაში იყოს საქონლის შენახვისათვის დადგენილ პირობებს.
- 6.2. საქონლის მიღებისას, „მყიდველი“ შეამოწმებს საქონლის შესაბამისობას წარდგენილ დოკუმენტებთან და ხელშეკრულებასთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „მყიდველი“-ს წარმომადგენლის ხელმოწერით ზედანდებზე ან/და ა/ფაქტურაზე ან/და მიღება-ჩაბარების აქტზე. „მყიდველი“ უფლებამოსილი არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა შორის შეთანხმებულ პირობებს, შეფუთვა, ეტიკეტირება, ხარისხი და ვარგისიანობის ვადა არ შეესაბამება დადგენილ სტანდარტებსა და „გამყიდველის“ მიერ შემოთავაზებულ პირობებს.
- 6.3. „მყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მყიდველის“ უფლებამოსილი თანამშრომელი (მენეჯერი, საწყოების უფროსი, მონიტორინგის თანამშრომელი, ფინანსური მენეჯერი, ბუღალტერი, სახელმწიფო შესყიდვების და ლოჯისტიკის დეპარტამენტის თანამშრომელი და სხვა).
- 6.4. „გამყიდველის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „გამყიდველის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

მუხლი 7. ანგარიშსწორების შესახებ

- 7.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.2. ანგარიშსწორება მოხდება შემდეგი წესით: ყოველი თვის 15 (თხუთმეტი) და 30 (ოცდაათი) კრიცხვებში „მყიდველი“ „გამყიდველს“ გადაუხდის წინა (ბუღალტრული ურთიერთშედარებიდან შემდგომ ურთიერთშედარებამდე) პერიოდში მიწოდებული საქონლის ღირებულებას სრულად, აღნიშნულ თარიღამდე 5 (ხუთი) დღით ადრე მხარეთა შორის ურთიერთშედარების აქტის გაფორმების შემთხვევაში და მოცემულ აქტში მითითებული დავალიანების შესაბამისად.
- 7.3. თუკი 7.2. პუნქტში მოცემული ანგარიშსწორების დღე(ები) ემთხვევა არასამუშაო დღე(ებს), ანგარიშსწორება განხორციელდება მომდევნო სამუშაო დღეს.
- 7.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „მყიდველის“ და „გამყიდველის“ ან მათი წარმომადგენლების მიერ ხელმოწერილი სასაქონლო ზედანდები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.
- 7.5. „მყიდველისა“ და „გამყიდველს“ შორის ანგარიშსწორებამდე 5 (ხუთი) დღით ადრე უნდა მოხდეს ბუღალტრული ურთიერთშედარების აქტის შედგენა.

მუხლი 8. ხელშეკრულების შესრულების კონტროლის შესახებ

- 8.1. ხელშეკრულების შესრულების კონტროლს განახორციელებს:
- 8.1.1. შპს „სახელმწიფო კვებით უზრუნველყოფის“ ხარისხის მართვისა და მონიტორინგის სამსახურის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი – „გამყიდველის“ მიერ მიწოდებული საქონლის სახეობის, ასორტიმენტის, შეფუთვის, ეტიკეტირების, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან.
- 8.1.2. შპს „სახელმწიფო კვებით უზრუნველყოფის“ - სახელმწიფო შესყიდვების და ლოჯისტიკის დეპარტამენტის უფროსი ან მის მიერ უფლებამოსილი თანამშრომელი - შეკვეთის მიცემისა და შესრულების ვადების, ასევე ხელშეკრულების სხვა პირობების სხვა კონტროლი.
- 8.1.3. შპს „სახელმწიფო კვებით უზრუნველყოფის“ - ფინანსური დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან.
- 8.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 8.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „მყიდველის“ არჩევის მიხედვით.

მუხლი 9. მხარეთა პასუხისმგებლობის შესახებ (რეკლამაცია)

- 9.1. იმ შემთხვევაში, თუ „მყიდველი“, „გამყიდველს“ არ გადაუხდის მიწოდებული საქონლის ღირებულებას ხელშეკრულებით დადგენილ ვადაში და ასეთი გადაუხდელობა გრძელდება „გამყიდველის“ მიერ აღნიშნულის თაობაზე წერილობითი შეტყობინების გაგზავნიდან 10 (ათი) სამუშაო დღეზე მეტი ვადით, „გამყიდველი“ უფლებამოსილია „მყიდველს“ დააკისროს გადასახდელი ძირითადი თანხის 0,3 % ყოველი ვადაგადაცილებულ დღეზე.
- 9.2. იმ შემთხვევაში, თუ „გამყიდველი“ არ შესაძლებს შეკვეთას ხელშეკრულებით განსაზღვრულ ვადაში ან/და არ მომხდარა შეკვეთის კორექტირება „მყიდველის“ მოთხოვნის მიუხედავად, „მყიდველი“ უფლებამოსილია გამყიდველს დააკისროს ჯარიმა მოსაწოდებელი საქონლის 1%, მაგრამ არაუმეტეს 200 (ორასი) ლარის, ოდენობით ყოველ ვადაგადაცილებულ დღეზე.
- 9.3. თუ „მყიდველი“ საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის სახეობა, ასორტიმენტი, გრამაჟი, შეფუთვა (მ.შ. განსხვავებული ბრენდირების ტარის გამოყენება), ეტიკეტირება, ტრანსპორტირების პირობები ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს, „მყიდველი“ უფლებამოსილია „მყიდველის“ ხარისხის მართვისა და მონიტორინგის სამსახურის დასკვნის, ასევე უშუალოდ საქონის მიმღები პირის წერილობითი მოხსენების გათვალისწინებით სახელმწიფო შესყიდვებისა და ლოჯისტიკის დეპარტამენტის თანამშრომლის მიერ შედგენილი მოხსენებით ბარათის, საფუძველზე საქონლის მიღებიდან არაუგვიანეს 7 (შვიდი) სამუშაო დღისა „გამყიდველს“ წარუდგინოს რეკლამაცია (პრეტენზია) წერილობითი ფორმით ან/და ელ-ფოსტის მეშვეობით და დააკისროს პირგასამტეხლო 500.00 (ხუთასი) ლარის ოდენობით. ასეთი ფაქტის ყოველი განმეორების შემთხვევაში „მყიდველი“ უფლებამოსილია დაირიცხოს „გამყიდველი“-ს პირგასამტეხლო 1 000.00 (ერთი ათასი) ლარის ოდენობით.
- 9.4. მყიდველი ასევე უფლებამოსილია გამყიდველს მოსთხოვოს მორიდებული საქონლის ნიმუშის აღება და აკრედიტირებულ ლაბორატორიაში შემოწმება, რასაც დაესწრებიან ხელშეკრულების მხარეები. ლაბორატორიულ შემოწმებასთან დაკავშირებულ ხარჯებს ანაზღაურებს „გამყიდველი“.
- 9.4.1. საქონლის ლაბორატორიული შემოწმების პირობები - საანალიზე ნიმუშის დასახელება, ავების ადგილი, თარიღი, შესამოწმებელი პარამეტრები, ლაბორატორიული დასკვნის წარმოდგენის ვადა და სხვა პირობები განიზაზღვრება წერილობით „მყიდველის“ მიერ. წერილში მითითებული პირობების დაცვა სავალდებულოა „გამყიდველისათვის“.
- 9.4.2. ამ ხელშეკრულების 9.4.1 პუნქტის დარღვევის შემთხვევაში (მ.შ. ვადების დარღვევა ან/და უარის თქმა ლაბორატორიული კვლევის ჩატარებაზე) „მყიდველი“ უფლებამოსილია გამოიყენოს ამ ხელშეკრულების 9.3 პუნქტით დადგენილი საჯარიმო ოდენობები (პირველი შემთხვევა 500 ლარი პირგასამტეხლო, ყოველი მომდევნო - 1000 ლარი).
- 9.5. „გამყიდველი“ ვალდებულია რეკლამაციაზე დაუყოვნებლივ მოახდინოს რეაგირება, გამოასწოროს მასში მითითებულ საქონელთან დაკავშირებული ხარვეზები (მოთხოვნები), მყიდველის მხრიდან რაიმე დამატებითი დანახარჯის გაღების გარეშე და გადაიხადოს დაკისრებული პირგასამტეხლო, ხოლო თუ რეკლამაციას მიიჩნევს უსაფუძვლოდ და დაუსაბუთებლად, შესაბამისი წერილობითი ფორმით აცნობს „მყიდველს“ არაუგვიანეს რეკლამაციის მიღებიდან 2 (ორი) სამუშაო დღის ვადაში. შეუთანხმებლობის შემთხვევაში „გამყიდველი“ უფლებამოსილია საკუთარი ხარჯით მიმართოს შესაბამის უფლებამოსილ პირს/ორგანოს (სპეციალისტი, ექსპერტი), წუნდების მიზეზების გამოსარკვევად. დადგენილი ვადის გასვლის შემდეგ პრეტენზიები აღარ მიიღება.
- 9.6. „მყიდველი“ უფლებამოსილია „გამყიდველისათვის“ პირგასამტეხლოს დარიცხვის შემთხვევაში, ანგარიშსწორებისას, „გამყიდველს“ გამოუქვითოს პირგასამტეხლოს ოდენობა, რაც ჩაითვლება „გამყიდველის“ მიერ დაკისრებული პირგასამტეხლოს გადახდად.
- 9.7. იმ შემთხვევაში, თუ „გამყიდველს“ მიერ ამ ხელშეკრულებით მოწოდებული საქონელი აღმოჩნდება უხარისხო ან/და დადგენილ ნორმაზე ნაკლები და რის გამოც „მყიდველს“ კვებითი მომსახურების შემსყიდველმა მხარემ დაეკისრა პირგასამტეხლო, „მყიდველი“ უფლებამოსილია რეგრესის წესით მოითხოვოს „გამყიდველისაგან“ ზიანის ანაზღაურება, დაკისრებული პირგასამტეხლოს ოდენობით ხელშეკრულების ვადის გასვლის შემდეგაც.

მუხლი 10. ხელშეკრულების შესრულების შეფერხების შესახებ

- 10.1. თუ ხელშეკრულების შესრულების პროცესში მხარეები წაწყვეტიან რაიმე ხელისშემშლელ ობიექტურ გარემოებას, რომლის გამოც ვერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 10.2. თუ ხელშეკრულების შესრულების შეფერხების გამო მხარეები შეთანხმდებიან ხელშეკრულების პირობების მომდევნო ანაზღაურებაზე არსებულ გარემოებებთან, ასევე შესრულების ვადის გაგრძელების შესახებ, ეს გადაწყვეტილება უნდა გაფორმდეს წერილობითი ფორმით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

მუხლი 11. ფორს-მაჟორის შესახებ

- 11.1 ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დამლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.
- 11.2 მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.
- 11.3 მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.
- 11.4 წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.
- 11.5 თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

მუხლი 12. ხელშეკრულების მოქმედების ვადის შესახებ

- 12.1 წინამდებარე ხელშეკრულება ძალაში შედის ხელმოწერის მომენტიდან.
- 12.2 **ხელშეკრულება მოქმედებს 2017 წლის 15 აგვისტოს ჩათვლით.**
- 12.3 ხელშეკრულება ერთ-ერთი მხარის წერილობითი განცხადებით შეიძლება შეწყდეს ვადამდე შემდეგ შემთხვევებში:
- (ა) მხარეთა შეთანხმებით ნებისმიერ დროს; (ბ) მყიდველის მიერ 5 (ხუთი) კალენდარული დღით ადრე წერილობითი შეტყობინების გაგზავნის შემთხვევაში; ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ. (გ) „მყიდველმა“ შეწყვიტა, ან შეაჩერა თავისი საქმიანობა; (დ) მიმდინარეობს „მყიდველის“ ან „გამყიდველის“ გადახდისუუნარობის საქმის წარმოება; (ე) „მყიდველმა“ ანგარიშსწორების განხორციელების ვადას გადააცილა 30 (ოცდაათი) სამუშაო დღეზე მეტი ვადით; (ვ) „გამყიდველმა“ არაერთგზის (2-ჯერ ან მეტჯერ) დაარღვია ხელშეკრულების პირობები.
- 12.4 ხელშეკრულების ვადის გასვლით ან ვადამდე შეწყვეტის შემთხვევაში „მყიდველი“ ვალდებულია ხელშეკრულების შეწყვეტის ძალაში შესვლიდან 20 (ოცი) კალენდარული დღის განმავლობაში სრულად გადაიხადოს (დაფაროს) „გამყიდველის“ წინაშე არსებული დავალიანება. გარდა იმ შემთხვევისა, როდესაც ხელშეკრულების ვადამდე შეწყვეტა გამოწვეულია 13.3 მუხლის (ვ) პუნქტით, ასეთის არსებობის შემთხვევაში „მყიდველის“ მიერ ასანაზღაურებელი თანხის გადახდის ვალდებულება შეთანხმება ხდება დამატებით სხვადასხვა გარემოებების გათვალისწინებით.

მუხლი 13. დასკვნითი დებულებების შესახებ

- 13.1 მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 13.2 წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 13.3 „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 13.4 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 13.5 წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 13.6 ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.
- 13.7 „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 13.8 მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 13.9 იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.
- 13.10 მხარეთა მიერ ელ.ფოსტით გაგზავნილ შეტყობინებებს აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „მყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 13.11 გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 13.12 გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 13.13 მხარეები შეეცდებიან ყველა წარმომოხილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმომოხიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 13.14 პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 268-ე მუხლის მე-1⁴ პუნქტის შესაბამისად.
- 13.15 წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად¹ ორივე ეგზემპლარი იდენტურია და გააჩნიათ თანაბარი იურიდიული ძალა.

14. მხარეთა რეკვიზიტები და ხელმოწერები: